

LUHO Y MAS LUHO DEN GRAN PARADA

ORANJESTAD(AAN): So lamente dos di e gruponan cu a inscribi no a presenta den parada ayera, pero di e 24 nan cu a participa 18 sigur por a ser conta como grupo cu luho.

Aruba prome y despues di Cristobal Colon, di United Group di Shell, Celebracion 500 aniversario di John Flemming, Beverage Fantasy di Coastal, Dream of Masquerade di Savaneta, Golden Five Stars di Playa Linda, HISC (Holiday Inn), Tivoli Club, Hospi Jollies, Color y Fantasia di Silvia Lourens, Twiel y Antifas di Reina Juvenil, Signs of Old

Aruban Houses y hasta Los Laga Bay di Esso, Aiky's Crazy Team, King of Fantasy di cigarianan, Joanne Fantasy y Glimpse of the Tamers di Elmar, por a ser considera den luho.

E batalla pa Grupo di Aña tabata entre 3 gruponan **Prome y despues di Cristobal Colon, Beverage Fantasy y Celebration 500 aña**" cu e prome ganado e premio y cu Celebration 500 aña, na di dos lugar.

Den gruponan comico Paraloco a sobrasali e aña aki den tipico, cu premio di carosa, grupo original tipico, Benny Kock a logra su pre-

mionan na San Nicolas y na Playa cu su cama cu muher na estado di parlamentario, Crazy Boys a logra nan exito cu nan Djaka den Trampa, Immigration y su prison Hotel Dakota, a sorprende tur hende como parti comico cu su integrantenan den mayoria miembronan di custumber di Club Caribe, y tambe e trio di Hot Line cu Sres. Kennedy, Brand y van Lis.

E obstaculo grandi den e parada grandi tabata e birada na Talk of The Town, sa-

liendo for di Vondellaan cu a causa hopi problema pa vehiculonan y roadpiecenan grandi.

E parada a cuminsa exactamente 11 or mainta cu Sr. Edwin Zichem dunando okay pa e start y Sr. Shonpe Krozendijk dunando su señal un minuut prome cu 11 or pa salida.

Den e parada aki tabata tin 11 soundsystem, 15 banda musical, dos brassband, y dos steelband cu a percura pa e animacion musical.

Locual si por a nota den e parada ta cu tabata tin 156 Body Piece y Road Piece. Si buta tur tras di otro e lo tuma un distancia basta largo di e ruta, pero e cantidad di hendenan involvi cu nan ta keda limita pa mas o menos 400.

Competencianan entre gruponan ta birando mas grandi, pero e total di participantenan den e parada mes ta mustra cu e ta bahando.

E roadpiecenan principalmente ta duna impresion cu e parada ta masha grandi.

Esaki ta indica cu den futuro lo mester di mas grupo sigur y especialmente si e cantidad di roadpiecenan mester bay bira menos.